

大同縣志卷十

學校

建學以明倫古今之通義也范文正公作秀才以天下爲己任人外無道道外無學也孔子集羣聖之大成唐貞觀以來郡縣之立學者皆

廟祀夫子後世大儒表章聖學屢奉

俞旨以時從祀道學之昌明冠千古而獨隆矣雲中雖在邊徼而釋菜釋奠秩然有序然則觀廟堂車服禮器低徊留之而不能去也宜哉

攷雲中學舍始於魏之中書學遼爲西京國子監金爲太學

大同縣志

卷十

學校

一

至元而始爲大同縣學明初廢爲藩邸而易以驛地甚且附於府庠嗚呼幾何不鞠爲茂草也哉改卜雖善猶病其地氣之過促今年春邑紳請因舊基重建 太乙閣於明倫堂後渣滓淨而清光發庶幾近之

縣儒學在城西北隅萬曆三年巡道馮子履卜建前此與府學相附共祀文廟至是而規模特創殿廡堂齋以次具舉

國朝順治十三年總督馬之先屯道邢以忠重修康熙五年知縣郝文啟重修二十二年教諭李繩祖重修雍正元年知縣胡方騰教諭尹京輔重修二年知縣佟時華重修并及名宦各祠乾隆六年知縣李柏謙教諭王孫蔚重修三十七年知縣

虔禮寶教諭郎克謙重修均有碑記

殿宇

大成殿

五楹

東廡

五楹

西廡

五楹

戟門

三楹左名宦祠右鄉賢祠

櫺星門

五楹

泮池

明知縣孫體元甃以石

德配天地坊

宮牆東

道貫古今坊

宮牆西

崇聖祠

三楹舊在教諭署東偏今道光九年改建明倫堂後太乙閣西

太乙閣

在明倫堂後明知縣解經邦創建久廢今道光九年三月重建

魁星樓

明朝嘉靖二十九年知縣陳不伐創建國朝乾隆三十九年知縣虔禮寶重修

堂齋

明倫堂

五楹

禮義相先之坊

在堂前

進德齋

五楹

修業齋

五楹

大同縣志

卷十

學校

一

教諭署

在進德齋東正房三間東夾房一間西配房二間乾隆三十七年教諭郎克謙增修嘉慶二十二年教諭牛夢鑾重修

訓導署

在修業齋西正房三間東廂房二間西廂房二間宅門一間乾隆三十七年教諭郎克謙重修

藏書

十三經註疏一部 周易折中三部 書經傳說彙纂三部

詩經傳說彙纂二部 春秋傳說彙纂三部

欽定三禮註疏一百八十二冊 性理精義二部

廿一史一部 明史一部 朱子全書一部

駁正呂留良四書講義一部 日講四書一部

論漢字編次一十二部一百二十冊

聖諭廣訓一部一冊

康熙字典一部

禮部則例一部

欽定四書文一部二十冊

學政全書一部

學田

額設學田五十畝

坐落城東
祁家坡村

學額

學政每逢寅申己亥年按試大同歲考畢卽科考所謂歲科連

棚是也照大學例取入縣學新生十五名武童十五名餘則

撥府科考取入文章十五名

廩膳生員二十名 增廣生員二十名 每屆歲考以文行

兼優之士舉薦優生其得寫者爲優貢 十二年一拔貢

大同縣志

卷十

學校

三

二年一歲貢

以食餼年深者
申送學政考取

凡縣學歲貢以甲丙戊庚壬年分七月下旬各省學政彙冊
咨部如七月以前遇有事故以陪貢充補再遇事故以次

陪充補歲貢恭逢

覃恩作爲恩貢則陪貢作歲貢留支項下花紅銀兩給與歲貢

順治九年

欽命禮部頒卧碑於學宮明倫堂

朝廷建立學校選取生員免其丁糧厚以廩膳設學院學道學

官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者

子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連

大同縣志

卷十

學校

四

生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

欽頒訓飭士子文

國家建立學校原以興行教化作育人才典至渥也朕臨御以

來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比年士習未端儒效罕者雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門

或唆撥姦猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寧無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有

榮卽爾祖父亦增光寵矣逢時得志寧俟他求哉若仍視爲具文玩愒勿傲毀方躍冶暴棄自甘是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尚敬聽之哉

乾隆十年

欽頒訓飭士子文

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨

大同縣志

卷十

學校

六

是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文義之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以志於惰遊而不知反終身不能有志於學而君子以爲非士之罪也使教素明於上而學素講於下則

士固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

文廟匾額

康熙二十三年

聖祖仁皇帝幸魯

御書萬世師表四字懸大成殿明年

大同縣志

卷十

學校

七

頒天下學宮雍正四年

御書生民未有匾額頒懸各學乾隆三年

御書與天地參匾額頒懸各學嘉慶五年

御書聖集大成匾額頒懸各學道光元年

御書聖協時中匾額頒懸各學

以上並恭懸

文廟大成殿

聖祖仁皇帝御製

至聖先師孔子贊并序

康熙二十五年

蓋自三才建而天地不居其功一中傳而聖人代宣其蘊有行

大同縣志

卷十

學校

八

道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之

贊曰

清濁有氣剛柔有質聖人參之人極以立行著習察舍道莫由

惟皇建極惟后綏猷作君作師垂統萬古曰惟堯舜禹湯文武
五百餘載至聖挺生聲金振玉集厥大成序書刪詩定禮正樂
既窮象繫亦嚴筆削上紹往緒下示來型道不終晦秩然六經
百家紛紜殊途異趣日月無踰羹牆可晤孔子之道惟中與庸
此心此理千載所同孔子之德仁義中正秉彛之好根本天性
庶幾夙夜勗哉令圖溯源洙泗景躅唐虞載厯庭除式觀禮器
摘毫仰贊心焉遐企百世而上以聖爲歸百世而下以聖爲師
非師夫子惟師於道統天御世惟道爲寶泰山巖巖東海泱泱
牆高萬仞夫子之堂孰窺其藩孰窺其徑道不遠人克念作聖

聖祖仁皇帝御製

康熙二十八年

大同縣志

卷十

學校

九

顏子贊

聖道早聞天資獨粹約禮博文不遷不貳一善服膺萬德來萃
能化而齊其樂一致禮樂四代治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德新民止善爲期
格致誠正均平以推至德要道百行所基纂承統緒修明訓辭

子思子贊

於穆天命道之大原靜養動察庸德庸言以育萬物以贊乾坤
九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

高宗純皇帝御製四賢贊并序

乾隆十年有三年

聖門弟子三千其賢者七十有二人史記家語各爲記其姓氏考其事迹以垂之後世而能契夫子之心傳得道統之正脈者則惟顏曾思孟四人顏子得克己復禮之說曾子與聞一貫之傳親炙一堂若堯舜禹之相授受夔乎尚矣子思師事曾子發明中庸之道而歸其功於爲己謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋

大同縣志

卷十

學校

十

儒所宗者孔子之道賴顏曾思孟而傳今聖廟祀典四子升配堂上爲百代之楷模因各係以贊用志景行之私云爾

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老箠瓢陋巷至樂不移仰高鑽堅三月無違夫子有言克已成性用致其功允成復聖

宗聖贊曰宣聖轍環在陳興歎孰是中行授茲一貫曾子孜孜惟聖依歸唯而不疑以魯得之會友輔仁任道重遠十傳釋經超商軼偃念彼先子沂水春風淵源益粹篤實春容臨深履薄得正以終三千雖多獨得其宗

述聖贊曰天地儲精川嶽萃靈是生仲尼玉振金聲世德作求

孝孫維則師曾傳孟誠身是力眷茲後學示我中庸位天育物
致和致中夫子道法堯舜文武紹乃家聲述乃文祖
亞聖贊曰戰國春秋又異其世陷溺人心豈惟功利時君爭雄
處士橫議爲我兼愛鼓簧樹幟魯連高風陳仲廉士所謂英賢
不過若是於此有人入孝出弟一髮千鈞道脈永繫能不動心
知言養氣治世之畧堯舜仁義愛君澤民惓惓餘意欲入孔門
非孟何自孟丁其難顏丁其易語默故殊道無二致卓哉亞聖
功在天地

謹按 部頒

大清通禮內載直省府州縣廟祀

大同縣志

卷十

學校

十一

先師孔子皆以歲春秋仲月上丁行釋奠禮監司分駐各府者主
其地

文廟之祭他府州縣以長官爲正獻其貳及所屬兩序分獻在城

文武官咸與祭

崇聖祠皆教諭正獻前後兩廡皆食餼學弟子員各一人分獻
陳設器數行禮儀節與省會同

又按通禮內載陳設

金編鐘在東玉編磬在西皆十有六懸以虞業東應鼓一祝
一麾一西敵一東西分列琴六瑟四簫六篴六箎四排簫二
塤二笙六搏拊二旌二羽籥三十有六

先師位前牛一羊一豕一登一鉶二簋二籩十豆十鑪一鐙

二

四配位前各羊一豕一鉶二簋二籩八豆八鑪一鐙二

十二哲位前鉶一簋一籩四豆四東西各羊一豕一鑪一

鐙二

殿中設一案少西北向供祝版其南東設一案西向陳禮神制

帛九白色香盤四尊三爵二十有七西設一案東向陳禮神制

帛八香盤三尊二爵二十有四凡牲陳於俎凡帛正位四配

異筐十二哲東西共筐凡尊實酒承以舟疏布冪勺具東廡

二位同案每位爵一實酒每案簋一籩一籩四豆四

大同縣志

卷十

學校

十二

先賢案前羊二豕二香案一鑪一鐙二

先儒案前羊一豕一香案一鑪一鐙二設案一於南北向陳禮

神制帛二香盤二尊三虛爵六俎筐冪勺具

西廡陳設同

崇聖祠正位前各羊一豕一鉶二簋簋各二籩豆各八鑪一鐙

二配位前簋一籩一籩四豆四東西羊豕各一鑪一鐙二中

設一案少西供祝版東設一案陳禮神制帛七白色香盤六尊

四爵二十有一西設一案陳禮神制帛二香盤一尊三爵六

兩廡東二案西一案每位爵一實酒餘陳設簋籩籩豆羊豕

鑪鐙如配位之數各南設一案陳禮神制帛一香盤一尊一

虛爵三俎篚冪勺皆具

又按通禮內載禮儀承祭官分獻官暨陪祀官均致齋二日
豫期眡牲眡割牲先一日具祝版供廟內祝案祭日陳設牲
帛器數如前儀設福胙於殿內東案尊爵之旁加爵一設洗
於階下之東鷄初鳴承祭官分獻官豫集致齋所贊引承祭
官自左側門入分引兩序分獻官兩廡分獻官隨入至階東
盥手畢詣拜位陪祀官咸詣拜位序立贊就位贊迎
神可樂贊舉迎

神樂奏昭平之章辭曰大哉孔子先覺先知與天地參萬世之師
祥徵麟紱韻答金絲日月既揭乾坤清夷樂作贊就上香位

大同縣志

卷十

學校

十三

引承祭官升東階入殿左門贊詣

先師香案前贊跪承祭官跪俯伏贊上香司香跪奉香承祭官三
上香畢俯伏興以次詣

四配位前跪上香儀同贊復位引承祭官退及殿左門北面揖
出降階復位初迎

神時分引東西序分獻官各一人升東西階入殿左右門詣

十二哲位前跪上香退及門北面揖出降階復位引兩廡分獻
官東西各二人分詣

先賢先儒位前跪上香揖出復位均如前儀贊跪叩興承祭官
分獻官暨陪祀官行三跪九叩禮興樂止贊奠帛爵行初獻

禮奏宣平之章辭曰予懷明德玉振金聲生民未有展也大
成俎豆千古春秋上丁清酒既載其香始升舞羽籥之舞承
祭官升階贊詣

先師位前贊跪承祭官跪俯伏司帛跪奉篚承祭官受篚拱舉以
授司帛興奠於案司爵跪奉爵承祭官受爵拱舉以授司爵
興奠於塾中承祭官俯伏興贊就讀祝位引承祭官至殿中
拜位立贊跪承祭官分獻官暨陪祀官皆跪贊讀祝辭曰維
某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

大同縣志

卷十

學校

十四

文教昌明之會正禮和樂節之時辟雍鐘鼓咸格薦於馨香泮

水膠庠益致嚴於籩豆茲當仲春秋祗率彛章肅展微忱聿將

祀典以

復聖顏子

宗聖曾子

述聖子思子

亞聖孟子配尚

饗承祭官分獻官暨陪祀官均行三叩禮興贊引承祭官以次
詣

四配位前跪奠帛獻爵退及殿左門北面揖出降階復位分引

兩序分獻官升東西階入殿左右門詣

十二哲位前跪俯伏奠帛獻爵俯伏興退及門北面揖出降階
復位引兩廡分獻官分詣

先賢先儒位前奠帛獻爵揖出復位樂止贊亞獻奏秩平之章
辭曰式禮莫愆升堂再獻響協鼗鏞誠孚壘甌肅肅雍雍譽

髦斯彥禮陶樂淑相觀而善

舞同初獻

贊引承祭官升階詣

先師暨四配位前奠爵於左如初兩序兩廡隨分獻畢均復位樂
止贊終獻奏敘平之章辭曰自古在昔先民有作皮弁祭菜

於論思樂惟天牖民惟聖時若彛倫攸敘至今木鐸舞同亞獻贊

引承祭官升階奠爵於右如亞獻儀兩序兩廡隨分獻畢均

大同縣志

卷十

學校

十五

復位樂止文德之舞退贊飲福受胙引承祭官至殿中拜位
立奉福胙二人自東案奉福胙至

先師位前拱舉退立於承祭官之右接福胙二人自西案進立於
左贊跪承祭官跪贊飲福酒右一人跪遞福酒承祭官受爵
拱舉以授於左接以興次受胙如飲福之儀贊叩興承祭官
三叩興贊復位引承祭官退及殿左門北面揖出降階復位
贊跪叩興承祭官分獻官暨陪祀官均行三跪九叩禮興贊
徹饌奏懿平之章辭曰先師有言祭則受福四海饗宮疇敢
不肅禮成告徹毋疏毋瀆樂所自生中原有菽徹畢樂止贊
送

神奏德平之章辭曰鳧繹我我洙泗洋洋景行行止流澤無疆聿
昭祀事祀事孔明化我蒸民育我膠庠樂作贊跪叩興承祭
官分獻官暨陪祀官行三跪九叩禮興樂止贊奉祝帛饌恭
送燎所承祭官避立拜位西旁俟過復位引承祭官詣燎所
視燎畢樂止各官皆退

崇聖祠正殿及兩廡陳設行禮儀節同前

按漢高帝十二年冬十一月自淮南過魯以太牢祭孔子後
世帝王祀孔子始此

平帝元始元年追祀孔子爲襄成宣尼公孔子有諡始此

明帝永平二年令郡縣學校皆祀周公孔子牲以太牢郡縣

大同縣志

卷十

學校

十六

祀孔子始此

魏齊王芳正始二年二月帝講論語通五年五月講尚書通
七年十二月講禮記通並使太常釋奠以太牢祭孔子於辟
雍以顏淵配此國學釋奠以弟子配享之始

晉武帝泰始三年冬十一月詔太學及魯國四時備三牲祀
孔子

七年皇太子講孝經通親以太牢祀孔子此太子釋奠之始
自是皇太子每通一經必親釋奠於太學歷朝亦並舉其禮
宋文帝元嘉二十二年皇太子釋奠於太學樂用登歌釋奠
用樂始此

孝武帝孝建元年十月詔開建廟制同諸侯之禮南齊武帝永明三年議釋奠禮設軒縣之樂六佾之舞牲牢器用悉依上公此釋奠用舞之始

梁武帝天監四年詔建孔子廟

北魏孝文帝遷都洛陽太和十三年詔立孔子廟於京師十六年二月詔改諡宣尼曰文聖尼父北齊之制將講於天子先定經於孔廟講畢以一太牢釋奠尼父配以顏回列軒縣樂六佾舞行三獻禮皇太子每通一經及新立學必釋奠每歲春秋二仲常行其禮每月旦祭酒領博士以下及諸生拜孔揖顏郡學則於坊內立孔顏廟博士以下亦每月朔按此

大同縣志

卷十

學校

十七

爲後世春秋釋奠及朔日行禮之始

北周宣帝大象二年追封孔子爲鄒國公立後承襲

隋制國子寺每歲以四仲月上丁釋奠先師州郡學以春秋仲月釋奠

唐高祖武德二年命有司立周公孔子廟各一所四時致祭仍博求其後當加爵土

七年詔以周公爲先聖孔子配享

太宗貞觀二年從房元齡等議以孔子爲先聖配以顏回四年詔州縣學皆作孔子廟

十一年尊孔子爲宣父

二十一年從許敬宗等議國學釋奠遣國子祭酒爲初獻州縣遣刺史縣令爲祭主國學祭以太牢樂用軒縣六佾之舞登歌一部與大祭祀遇改用中丁州縣常用上丁無樂祭以少牢此後世國學遣官釋奠之始直省以長官主祭亦始於此高宗永徽中復以周公爲先聖孔子爲先師顏回左邱明以下皆從祀

顯慶二年長孫無忌等言漢魏以來顏回夫子互作先師宣父周公迭爲先聖貞觀之末親降綸言正夫子爲先聖加衆儒爲先師而今新令不詳制旨遂違明詔周公制禮作樂功比帝王所以禹湯文武成王周公爲六君子合同王者祀之

大同縣志

卷十 學校

十八

儒宮就寔貶其功仲尼祖述憲章生民以來一人胡可降茲上哲俯入先師請改令從詔周公仍依別禮配享武王詔從之

乾封元年追贈孔子太師

總章元年贈顏回太子少師曾參太子少保並配享中宗嗣聖七年封孔子爲隆道公

睿宗二十七年詔諡孔子爲文宣王 又昔緣周公南面夫子西坐自今兩京國子監夫子皆南面坐十哲等東西列侍天下諸州亦準此又顏子亞聖可贈兗公閔子騫九哲贈侯曾參等六十七賢皆贈伯又敕兩京及兗州舊宅廟皆改冕

服其諸州縣廟宇既小但移南面不須改衣服兩京牲用太牢樂宮縣舞六佾州縣則牲以少牢而無樂

宋太祖建隆四年詔州城置孔子廟

五年以國諱改諡孔子曰至聖文宣王

徽宗崇寧四年從司業蔣靜言增文宣王冕爲十旒服十章執鎮圭廟門立二十四戟並如王者之制又頒祭服制度於州縣令皆以法服行禮

金章宗泰和四年詔州郡無宣聖廟學者並增修之

元成宗大德十一年武宗卽位秋七月詔孔子加號大成至聖文宣王遣使闕里祀以太牢

大同縣志

卷十

學校

十九

仁宗至順元年閏七月詔以齊國公叔梁紇加封爲啟聖王

魯國太夫人顏氏加封爲啟聖王太夫人

三年正月詔以元官氏特封大成至聖文宣王夫人

明太祖洪武二年詔春秋釋奠止行於曲阜天下不必通祀

錢唐伏闕上疏徐程亦上疏皆不報

十五年三月始詔天下儒學每歲春秋仲月通祀孔子頒釋

奠儀注國學籩豆以十凡府州縣學籩豆以八器物牲牢皆

殺於國學其祭以正官行之夏五月南京新建太學成去塑

像設木主

二十六年頒大成樂於天下郡縣之學於是始皆用樂

成祖永樂元年建北京國子監新廟

憲宗成化十二年從祭酒周洪謨言詔增籩豆爲十二樂用
八佾

國朝祀典

崇德元年

遣官致祭孔子廟

五年定春秋二仲上丁行釋奠禮

順治元年定月朔及進士釋褐釋菜禮月望行香儀

二年祭酒李若琳奏加孔子諡號大成至聖文宣先師孔子

疏下禮臣議奉

大同縣志

卷十

學校

二十

聖旨加稱大成至聖文宣先師孔子監科考訂僉同准如議行一

應禮儀還照明朝舊例不必更改

十四年仍改號至聖先師孔子

是年行經筵禮

親祭先師孔子以文華殿未成暫於宏德殿設位致祭康熙二十

五年文華殿告成設孔子神位於傳心殿

三十八年

詔各學設樂器

雍正元年

詔追封木金父公爲肇聖王祈父公爲裕聖王防叔公爲詒聖王

伯夏公爲昌聖王叔梁公爲啟聖王改啟聖祠爲崇聖祠

遣禮部尚書張伯行詣闕里祭告行

册封禮

命各省學官建忠義孝弟祠仍建節孝祠於學宮之外

三年

詔郡縣丁祭用太牢是年奉部頒文廟禮樂圖籍

五年奉

上諭八月二十七日聖誕之期內外文武各官及軍民人等致齋
一日不理刑名禁止屠宰永著爲令

七年二月重修闕里文廟將成新塑聖賢像聖像冕十二旒

大同縣志

卷十

學校

二十一

服十二章啟聖及先賢冕九旒服九章悉如舊制

乾隆八年

頒文廟祭祀樂章二本樂譜附

九年七月河南學政林枝春奏河南州縣有三教堂佛居中

老子孔子互相左右請移奉書院義學北省如此者所在多

有宜加禁止又道流建醮輒以天尊之號謬加聖人請一體

嚴禁奉

旨允行

大成殿

至聖先師孔子神位

木主高二尺三寸七分濶四寸厚七分座高四寸長七寸厚
三寸四分四配主高一尺五寸濶三寸二分十二哲兩廡高
一尺四寸濶二寸六分厚五分座高二寸六分長四寸厚二
寸

四配

復聖顏子 字子淵 魯人

宗聖曾子 字子輿 南武城人

述聖子思子

亞聖孟子 字子輿 一字子車 鄒人

十二哲

大同縣志

卷十

學校

先賢閔子 損字子騫 魯人

冉子 耕字伯牛 魯人

冉子 雍字仲弓 伯牛之族

宰子 予字子我 魯人

端木子 賜字子貢 衛人

冉子 求字子有 仲弓之族

仲子 由字子路 卞久字季路

言子 偃字子游 吳人

卜子 商字子夏 衛人一曰溫國人

顓孫子 師字子張 陳人

有子 若字子有或

朱子 熹字仲晦婺源人諡文

東廡 祀先賢三十九人先儒二十六人

先賢 蘧 瑗 字伯玉衛人

澹臺滅明 字子羽魯武城人

原 憲 字子思宋人

南宮适 家語作縉史記作括字容魯人或疑敬叔非

商 瞿 字子木魯人

漆雕開 字子若史記作子開蔡人鄭云魯人

司馬耕 字子牛宋人家語名黎耕

大同縣志

卷十

學校

梁 鱣 一作鯉字叔魚齊人

冉 孺 字子魯一作子曾家語冉孺字子魚魯人

伯 虔 古本家語作伯處字子皙史記作古本家語作子楷魯人

冉 季 字子產魯人一字子達

漆雕徒父 家語作漆雕從字子文或作子有或作子友魯人史記無註

漆雕哆 字子斂魯人今本家語哆作侈

公西赤 字子華魯人

任不齊 字子選史記字選魯人

公良孺 字子正陳人

公肩定 家語作公肩字子中一作字子仲一作字子重史記作公堅定魯人或衛人晉人

鄭單 或作鄭單字子家魯

罕父黑 古本家語史記皆作字子索或作字素今本家語作宰父黑字子黑魯人

榮旂 家語作祈字子祺一作字子祈古本家語字子顏魯人

左人郢 字行家語作左郢字子魯人左人以官為姓

鄭國 字子從或云鄭人或以為薛邦字子徒魯人家語作薛邦字

原亢 字子籍史記作原亢籍正義亢作元仁勇反古本家語作伉字籍一作原桃魯人

廉潔 史記古本家語作絜字庸亦字子庸今本家語字子曹衛人

叔仲會 叔仲氏字子期會一作噲魯人鄭氏云晉人

公西輿如 字子西今本家語作公西輿魯人

邾巽 字子斂家語邦魯人一作邾巽文翁作國選避漢諱

大同縣志 卷十 學校 二十四

陳亢 說文作伉字子禽一字子亢陳人家語有史記無

琴張 家語字子開一字子衛人史記無

步叔乘 字子車齊人一作少叔乘廣潤註步叔複姓

秦非 字子之魯人

顏噲 字子聲魯人

顏何 字冉魯人古本家語以字稱今本無史記有

縣亶 字子象魯人索隱作縣豐韻註作縣亶父家語有史記無或云即鄭單也檀弓有縣子

樂正克 孟弟子趙岐曰周人

萬章 齊人

周敦頤 字茂叔宋道州人諡元

程 顥 字伯淳 宋河南人

邵 雍 字堯夫 宋河

先儒公羊高 齊春秋時人

伏 勝 字子賤 秦

董仲舒 漢廣

后 蒼 字近君 漢

杜子春 漢河南

諸葛亮 字孔明 漢瑯琊

王 通 字仲淹 隋河東龍

陸 贄 字嘉興 唐中

大同縣志

卷十

學校

范仲淹 字希文 宋吳

歐陽修 字永叔 宋廬

楊 時 字中立 宋劍將樂人

羅從彥 字仲素 宋劍羅源人

李 侗 字愿中 宋劍州人

呂祖謙 字伯恭 宋婺州人

蔡 沈 字仲默 宋建陽

陳 淳 字安卿 宋漳州龍

魏了翁 字華父 宋印州蒲江人

王 柏 字會之 宋婺州

趙復 字仁甫 元德安人 稱江漢先生

許謙 字益之 元金華人 稱白雲先生 諡文懿

吳澄 字幼清 元崇仁人 諡文正

胡居仁 字叔心 明江西餘干人 號敬齋 追諡文敬

王守仁 字伯安 明餘姚人 稱陽明先生 諡文成

羅欽順 字允升 明江西太和人 號整菴 諡文莊

湯斌 字孔伯 號潛菴 國朝河南睢州人 諡文正

黃道周 字仲暲 明福建漳浦人 追諡忠端

西廡 祀先賢三十八人 先儒二十六人

先賢林放 字子邱 魯人家語史記無文 翁石壁有

大同縣志

卷十

學校

宓不齊 字子賤 魯人

公冶長 字子長 范甯云 字子芝 魯人 史記作齊人 古本家語作公冶萇

公皙哀 字季次 家語字季沈哀 一作克 齊人

高柴 字子羔 左傳季羔檀弓 子羔 齊人

樊須 字子遲 魯人 鄭康成曰 齊人

商澤 字子季 魯人一作家語字子秀

巫馬施 家語作期 字子期 史記字子旗 陳人

顏辛 史記作葦 字子柳 魯人一作家語字子柳

曹邴 字子循 蔡人

公孫龍 字子石 古本家語龍作衛人 鄭云 楚人 正義趙人

秦商今本家語字不慈古本字

顏高字子驕家語作顏

壤駟赤字子徒家語壤作

石作蜀字子明古本家語石之蜀

公夏首字乘家語公夏

后處字子里齊人家語

奚容蒧字子哲家語作奚蒧字子偕一作子楷

顏祖字襄史記有古本家語無

句井疆今本家語字子界

秦祖字子南

大同縣志

卷十

學校

縣成字子祺今本家

公祖句茲字子之魯人

燕伋字思古本家語作

樂欬字家語作欣字

狄黑史記字哲一作子哲家語

孔忠今家語作弗字子

公西蒧史記字子尚魯人

顏之僕字子叔

施之常字子恒家語

申棖家語作中續又作續字子周史記申黨又作

左邱明 字子明 魯太史

秦冉 字開或作子開魯 人家語無史記有

牧皮 家語史記皆不載趙岐曰牧皮 與琴張曾皙皆事孔子學者也

公都子 齊人

公孫丑 齊人

張載 字子厚宋大梁人遷郟 縣稱橫渠先生諡明

程頤 字正叔明道先生弟 稱伊川先生諡正

先儒穀梁赤 顏師古曰名喜阮孝緒曰 名俶字元始春秋時魯人

高堂生 漢魯人本 齊公族

孔安國 字子國先聖十一 世孫漢武帝時人

大同縣志

卷十

學校

毛萇 字長公漢趙 人稱小毛公

鄭康成 漢高 密人

范甯 字武子晉 南陽人

韓愈 字退之唐鄧州 南陽人諡文

胡瑗 字翼之宋泰州海陵人 初諡安定改諡文昭

司馬光 字君實宋陝州 夏縣人諡文正

尹焞 字彥明一字德充宋 洛人賜號和靖處士

胡安國 字康侯宋崇 安人諡文定

張栻 字敬夫宋漢州綿竹 人稱南軒先生諡宣

陸九淵 字子靜宋金谿人稱 象山先生諡文安

黃 幹 字直卿 號勉齋 宋福

眞德秀 字景元 後城西人 稱西山先生 諡文忠 希宋浦

何 華 字子恭 婺州金華人 諡文定

陳 澹 字可大 元江西南昌人 稱經歸先生

金履祥 字吉父 元蘭溪人 稱仁山先生 諡文安

許 衡 字仲平 元河內人 號魯齋 諡文正

薛 瑄 字德溫 明山西河津人 稱敬軒先生 諡文清

陳獻章 字公甫 明廣東新會人 稱白沙先生 追諡文恭

蔡 清 字介夫 明福建晉江人 號虛齋 追諡文莊

呂 坤 河南寧陵人

大同縣志

卷十

學校

孫奇逢 直隸容城人

陸隴其 初名龍其 後改今名 字稼書 國朝浙江平湖人 諡清獻

劉宗周 字啟東 號念台 明浙江山陰人 稱戢山先生 本朝諡忠介

崇聖祠正位

肇聖王 木金父 公公

裕聖王 祈父 公公

詒聖王 防叔 公公

昌聖王 伯夏 公公

啟聖王 叔梁 公公

配位

先賢顏氏

無繇家語顏由亦作繇字季路史記字路

曾氏

點字子皙史記作蒧字皙

孔氏

鯉字伯魚

孟孫氏

激字公宣

從祀

先儒周輔成

先賢敦頤之父

張迪

先賢載之父

程珦

字伯溫先賢顯頤之父

朱松

字喬年號韋齋先賢朱子父元追諡靖獻

蔡元定

字季通先儒沈之父稱西山先生諡文節

大同縣志

卷十

學校

三十

漢明帝十五年帝東巡過魯祀仲尼及七十二弟子此弟子

從祀之始

靈帝光和元年立鴻都門學畫孔子及七十二弟子像

唐太宗貞觀二十一年詔以左邱明卜子夏公羊高穀梁赤

伏勝高堂生戴聖毛萇孔安國劉向鄭元賈逵杜子春馬融

盧植鄭康成服虔何休王肅王弼杜預范甯二十一人代用

其書垂於國胄可配享宣父廟堂

睿宗太極元年加贈顏回太子太師曾參太子太保元宗開

元八年司業李元瓘奏言先聖廟顏子配像當坐四科弟子

閔子騫等雖列像廟堂不參享祀請春秋釋奠列二十二賢

之上七十子請命有司圖形於壁兼爲立贊詔從之乃以十哲爲坐像悉與祀曾參特爲之像坐亞之圖七十子及二十一賢於廟壁帝以顏子亞聖親製贊善書於石令當朝文士分爲之贊題其壁焉此十哲配祀之始

宋太祖建隆元年二月帝幸國子監詔增修祠宇繪先聖先賢先儒像親撰先聖亞聖贊十哲以下命文臣分贊之眞宗大中祥符元年追諡孔子曰元聖文宣王又追封叔梁紇齊國公顏氏魯國太夫人又追封元官氏鄆國夫人二年三月頒曲阜廟桓圭一加冕九旒服九章從上公之制五月詔追封顏回兗國公閔損以下九哲封公曾參以下六十二賢皆

封侯七月又詔封左邱明以下十九人伯至王肅生前已封蘭陵亭侯加贈爲司空杜預生前已封當陽侯加贈爲司徒神宗熙寧七年禮官議熙寧祀儀十哲皆爲從祀惟州縣釋奠未載請自今二京及諸州春秋釋奠並準熙寧祀儀元豐六年從吏部尚書曾孝寬言孟軻祠廟在鄒未加爵命詔封鄒國公七年從晉州教授陸長愈奏以鄒國公孟子配享設位兗國公之次並從禮部侍郎林希議封荀况楊雄韓愈伯爵以世次先後從祀於左邱明等二十一賢之間自國子監及天下文廟皆塑鄒國公像畫荀况等像於從祀之列
徽宗崇寧元年詔孔鯉魯堂從祀厥有舊祠可特封泗水侯

孔伋魯郡實有舊祠可特封沂水侯三年詔以王安石配享孔子廟位鄒國公之次又詔文宣王殿大成爲名

大觀二年從通事郎侯孟請繪子思像從祀於左邱明二十四賢之間

四年議禮局言史記弟子傳曰受業身通六藝者七十有七人家語曰七十二弟子皆升堂入室者按唐會要七十七人而開元禮止七十二人又復去取不一本朝議臣斷以七十二子之說取琴張等五人而去公夏首等十人今以家語史記參定公夏首后處公肩定顏祖鄒單罕父黑秦商原亢樂欬廉潔唐會要開元禮亦互見之皆有伯爵載於祀典請追贈侯爵使與於祭享詔公夏首等十人皆爲侯

大同縣志

卷十

學校

三十二

政和三年詔封王安石爲舒王又封其子雱爲臨川伯從祀五年詔鄒縣孟子廟以樂正子配享公孫丑以下從祀封樂正子利國侯公孫丑以下十七人俱封伯

欽宗靖康元年以右諫議大夫楊時言王安石學術之謬詔降王安石依鄭康成例從祀兩廡

孝宗淳熙三年洪邁言孟子配食與顏子並其師子思子思之師曾子皆在其下乞改正又趙粹中請削去王安石從祀皆不報

四年始詔去王雱從祀畫像

理宗寶慶三年特贈朱熹太師追封信國公紹定三年改封
徽國公

滿平二年詔升子思於十哲

淳祐元年降御扎周敦頤程顥程頤張載朱熹宜列諸從祀
乃封周程張四人伯爵黜王安石從祀景定二年從皇太
子奏詔封張栻呂祖謙伯爵並從祀度宗咸淳三年正月降
御扎以邵雍司馬光列諸從祀特封雍新安伯

二月封曾參邠國公子思沂國公與顏孟並配享封顥孫師
陳公升於十哲

又詔以泗水侯孔鯉列於鄆城侯孔忠之次

大同縣志

卷十

學校

三十三

金章宗承安二年春丁帝親釋奠敕先賢先儒舊封公者升
爲國公侯者升爲國侯邠伯以下皆封侯

仁宗皇慶二年詔以宋儒周敦頤程顥程頤張載邵雍司馬
光朱熹張栻呂祖謙及故中書左丞許衡從祀

延祐三年以御史中丞趙世延言南北祭禮不宜有異乃詔
以顏曾思孟配享又詔封孟子父激爲邾國公母仇氏爲邾
國宣獻夫人

六年追封周敦頤爲道國公又封蘧瑗爲內黃侯從祀

至順元年閏七月詔以子思加封沂國述聖公時並封顏子
兗國復聖公曾子邠國宗聖公孟子鄒國亞聖公程顥豫國

公程頤洛國公

十二月詔以董仲舒從祀孔子廟位列七十子下

三年五月加封顏子父無繇爲杞國公諡文裕母姜氏爲杞國端獻夫人妻戴氏爲兗國貞素夫人順帝至正二十二年八月封楊時吳國公李侗越國公胡安國楚國公蔡沈建國公眞德秀福國公俱贈太師未議從祀

十二月追諡朱熹父松曰靖獻改封熹爲齊國公

明太祖洪武二十九年從行人司司副楊砥言退揚雄進董仲舒追封仲舒爲江都伯

宣宗宣德三年命禮部考正從祀先賢名位頒示天下

大同縣志

卷十

學校

三十四

英宗正統二年從楊士奇言以胡安國蔡沈眞德秀從祀三年孔顏孟三氏教授裴侃疏言元已封啟聖王創殿於大成殿西崇祀而顏孟之父俱封公惟伯魚子皙仍封侯乞追封公爵偕顏孟父俱配啟聖王殿帝下禮部行之仍議加封伯魚子皙封號

八年從蔣明請追封元儒吳澄臨川郡公從祀孔廟

孝宗宏治九年從大學士徐溥等言封楊時將樂伯從祀位列司馬光之次

世宗嘉靖九年十月大學士張璁疏請正文廟祀典命禮部會翰林諸臣議璁又作正孔子廟祀典或問奏之井下禮部

速議更正張兗徐階王汝梅等極言其不可帝指爲謬論謫
貶之御史黎貫等下法司按治褫爲民於是禮部會諸臣議
令兩京國子監及天下學校於孔子神位題稱至聖先師孔
子去王號及大成文宣之稱改大成殿爲先師廟大成門爲
廟門四配稱復聖顏子宗聖曾子述聖子思子亞聖孟子十
哲以下凡及門弟子皆稱先賢某子左邱明以下皆稱先儒
某子去公侯伯爵依南京國子監規制製木主仍擬大小尺
寸著爲定式其塑像盡行屏撤春秋祭祀遵舊制國學用十
簋豆以別郊廟之祀樂舞止用六佾凡學別立啟聖祠中祀
叔梁題啟聖公孔氏神位以顏無繇曾點孔鯉孟孫氏配俱

稱先賢某氏兩廡以程珦朱松蔡元定從祀俱稱先儒祭祀
與文廟同日簋豆牲帛視四配東西配位視十哲從祀先儒
視兩廡國學以祭酒主祭南京則以司業從祀申黨卽申棖
宜存申棖去申黨公伯寮秦冉顏何荀况戴聖劉向賈逵馬
融何休王肅王弼杜預吳澄十三人俱宜如所論罷祀林放
蘧瑗鄭衆盧植鄭康成服虔范甯七人俱宜如所論各祀於
鄉后蒼王通歐陽修胡瑗四人俱宜如所論增入從祀十一
月奏上詔悉如議行又以行人薛侃言增陸九淵從祀
穆宗隆慶五年詔以薛瑄從祀列於呂祖謙之下神宗萬曆
十二年詔以陳獻章胡居仁王守仁並從祀二十三年詔以

周敦頤之父輔成從祀啟聖祠

四十七年詔以宋儒羅從彥李侗從祀

莊烈帝崇禎十五年詔以左邱明改稱先賢并改周程張朱

邵六子並稱先賢位七十子下漢唐諸儒上

國朝康熙五十一年奉

旨以先賢朱子特升配大成殿十哲之次

五十四年從江南學政余正健請以宋儒范仲淹從祀

雍正二年奉

旨以改祀於鄉之林放蘧瑗鄭康成范甯及罷祀之秦冉顏何俱

復祀孔子弟子縣亶牧皮孟子弟子樂正克公都子萬章公

大同縣志

卷十

學校

三十六

孫丑漢諸葛亮宋尹焞黃幹陳淳何基王柏魏了翁元金履

祥許謙陳澹趙復明羅欽順蔡清

國朝陸隴其廿六人俱增祀宋張載之父張迪增祀崇聖祠

按史記仲尼弟子列傳受業身通六藝者七十有七人家語

云七十二弟子皆升堂入室者然所載實七十有六人古本

家語無顏祖今本家語無顏何史記則兼有之無琴牢陳亢

縣亶而別有公伯寮秦冉鄒單合二書共八十人唐開元從

祀者七十七人宋初裁爲七十二人大觀間又增至八十二

人明嘉靖復減爲七十六人

國朝考訂文廟祀典以家語史記爲據第黜公伯寮而進孟子所

引之牧皮八十人之數始復其舊又復祀文翁成都廟壁畫多有之蘧瑗林放及明崇禎改入先賢之左邱明共八十三人焉

乾隆二年從兵部尚書甘汝來奏復祀元儒吳澄三年三月從尚書銜徐元夢請升有子於大成殿東哲位卜子之次二十一年衍聖公孔昭煥奏請黜孟廟告子從祀及正配享神主封號九卿議稱告子不害從祀雖見宋史考

欽定古今圖書集成及孟氏三遷志皆作浩生不害見在所祀係浩生不害並非告子即請定爲浩生不害又孟子已易上公之號其徒尚存侯伯之名應如所奏將樂正子四人改書先賢某子陳臻以下至韓愈十五人改書先儒某氏至孔道輔有倡立孟廟之功亦書先儒某氏

報可

道光二年閏三月從御史馬步蟾請以明儒劉宗周從祀西廡三年二月從通政司參議盧漸請以原任尚書湯斌從祀東廡五年二月從閩督趙愼畛請以明儒黃道周從祀東廡六年二月從豫撫程祖洛請以明臣原任刑部侍郎呂坤從祀西廡又從御史吳傑請以唐臣陸贄從祀東廡位在王通之次道光八年五月從御史張志廉請以明儒孫奇逢 祀西廡位在呂坤之次

書院

雲中書院考府志自前明嘉靖以前巡撫陳公行菴撤公署創之見晏斯盛所爲記今按其時科甲蟬聯人文蔚起名賢之盛彪炳史冊是書院之有關於文運也信矣乾隆四年因添設營員乃廢書院爲左營官署嗚呼當事者之無識一至於此迨乾隆二十六年嘉太守始復建於府署大門之西規模雖備而地勢退縮宜文風之蹶而不振也道光九年今郡伯崔 病其地之弗善謀改建於爽塏軒豁之場適經歷司承乏無人相爲互易今大門三楹二門兩楹講堂後齋東院之書房西院之小軒皆仍其舊其講堂之東新建肄業齋舍一院四面花欄週以遊廊敬業樂羣洵朝誦夕絃地也而東院之南復造對廳三間以今之氣象較之昔日迥不侔矣其地頗有生趣所謂光風霽月襟懷近裏著已工夫惟善學者共領之耳

謹按 部頒

大清通禮內載直省府州縣附文廟左右各建

忠義

節孝

名宦

鄉賢四祠歲春秋釋奠禮畢教諭一人公服詣祠致祭是日
清晨廟戶啟祠門拂拭神案執事人入陳羊一豕一籩四豆
四鑪一鐙二陳祝文於案左陳壺一爵三帛一香盤一於案
右引贊二人引主祭官入詣案前北面立禮生自右奉香盤
主祭官三上香訖引贊贊跪叩興主祭官跪三叩興禮生自

大同縣志

卷十

學校

三十八

右授帛主祭官受帛拱舉仍授禮生獻於案上禮生挈壺酌
酒實爵自右跪授爵主祭官受爵拱舉仍授禮生興獻於正
中讀祝者取祝文跪案左引贊贊跪主祭官跪讀祝辭曰維
某年月日某官某致祭於

忠義孝弟之靈曰惟

靈秉賦貞純躬行篤實忠誠奮發貫金石而不渝義問昭宣
表鄉閭而共式祇事懋彞倫之大性摯莪蒿克恭念天顯之
親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵尚
饗讀畢以祝文復於案退主祭官俯伏興執事者酌酒獻於

左又酌酒獻於右退引贊贊跪叩興主祭官跪三叩興執事者以祝帛送燎主祭官出執事者徹皆退各祠致祭儀同此節孝祠祝曰維某年月日某官某致祭於

節孝之靈曰惟

靈純心皎潔令德柔嘉矢志完貞全閨中之亮節竭誠致敬彰闔內之芳型茹冰蘖而彌堅清操自勵奉盤匱而匪懈篤

孝傳徽

絲綸特沛乎殊恩祠宇昭垂於令典祇循歲事式薦尊醪尚

饗

名宦鄉賢二祠各
省州縣所在異辭

名宦祠

三楹

大同縣志

卷十

學校

三十九

祀趙武安君李牧

漢雲中太守魏尚

唐鄂國公尉遲恭

唐朔方節度使郭子儀

明大將軍徐達

左副將軍常遇春

右都督郭登

總兵郭琥 焦澤

知府胡汝礪

杜旻

王誥

劉仲誠

知縣連格

國朝總督馬之先

鄉賢祠

三楹

祀漢燉煌太守裴遵

晉孝子劉殷

齊散騎常侍張孝元

後周節度使贈太師史彥超

宋應州觀察使贈太尉李漢超

平章贈中書令畢士安 畢仲愈

金河北轉運使尚書康元弼 元翰林學士進 中書 趙世延

湖南宣慰使謝仲溫 國子監助教吳明志

集賢學士許子遜 浙江行省叅政杜唐卿

明吏部左侍郎田炯 江西左布政郭紀

河間府同知陸敏捷 陝西苑馬寺卿覃應元

山東巡撫王從義 孝子焦鑑

潁川兵備道馬豸 遼東巡撫蔣應奎

遼東兵備道諡忠愍何廷魁 昭遠 縣丞贈登 陳韜

大同縣志

卷十

學校

四十

山東兵備副使李翰臣 順天巡撫溫景葵

孝子環縣知縣張瑞 大同副總兵諡忠勇林椿

大同都指揮充宣化府叅將關山

國朝孝子張光璧

忠義孝弟祠 在文廟東南

祀晉孝子劉殷 金忠烈張升

元義士賈進 明忠烈陳韜

林椿 關山

何廷魁 李若葵

明義士王用賓 王用中

李滿

李承弼

明孝子沈文義

焦鑑

張瑞

溫鉞

趙榮貴

李櫛

楊應祥

節孝祠

在文廟西南

祀宋元班氏

元張華氏

張劉氏

明曾張氏

曾方氏

葉趙氏

范楊氏

劉馬氏

大同縣志

卷十

學校

四十一

諸葛張氏

王吳氏

齊焦氏

高王氏

仲黃氏

喬張氏

張劉氏

林董氏

傅常氏

李衛氏

林宋氏

高李氏

陳李氏

丁梁氏

武劉氏

輔國將軍朱俊榛妻王氏

鄒郭氏

溫周氏

李王氏

楊氏

李王氏

輔國將軍朱充劓妻張氏

石朱氏

何朱氏

顧朱氏

董明氏

任宋氏

沈李氏

韓張氏

張劉氏

李郝氏

李王氏

國朝高王氏

楊梁氏

陳王氏

張吳氏

何王氏

李靳氏

宋魏氏

聶龔氏

大同縣志

卷十

學校

董袁氏

彭劉氏

劉柴氏

王李氏

曹薛氏

田朱氏

張徐氏

烈婦孫段氏烈女孫林姐

任施氏

喬韓氏

王馬氏

鄭馬氏

馬朱氏

楊姚氏

賀于氏

王杜氏

靳劉氏

田朱氏

宋郝氏

楊師氏

張董氏

郭趙氏

師姚氏

孫劉氏

李王氏

郭曹氏

喬岳氏

聶段氏

李薛氏

張閻氏

解趙氏

高劉氏

王楊氏

劉趙氏

韓張氏

王杜氏

王楊氏

師李氏

劉韓氏

王王氏

大同縣志

卷十

學校

李刁氏

張潘氏

仝張氏

袁鄭氏

郭張氏

仝劉氏

李周氏

劉賀氏

劉趙氏

劉趙氏

吳郭氏

戴孟氏

戴程氏

嚴劉氏

烈婦王劉氏

烈婦臧賈氏